

# **Adroddiad Blynyddol yr Ymddiriedolwyr o 1 Ionawr 2021 hyd at 31 Rhagfyr 2021**

**Enw'r Elusen: Eglwys Gydenwadol Emaus Bangor SCE**

**Rhif yr Elusen: 1188238**

---

## **❖ Amcanion a Gweithgareddau**

Prif amcan yr Eglwys yw hyrwyddo'r ffydd Gristnogol yn ôl egwyddorion enwadau'r Annibynwyr a'r Bedyddwyr yng Nghymru fel aelod o Undeb yr Annibynwyr Cymraeg ac Undeb Bedyddwyr Cymru. Gall yr Eglwys hefyd hybu addysg a chyflawni amcanion elusennol eraill yn y Deyrnas Unedig a/neu mewn rhannau eraill o'r byd.

Mae'r Eglwys wedi ei hymrwymo i gyrraedd cynulleidfa eang o fewn dinas Bangor a thu hwnt gan agor ei drysau i gynifer â phosibl i addoli yn yr Eglwys ac i fanteisio ar bob cyfle i ymuno mewn gweithgareddau addoli a chymdeithasol trwy gyfrwng y we a dulliau eraill. Mae'n rhoi ffydd ar waith mewn gweddi a gweithred, mewn cân a sacrament.

Wrth gynllunio ein gweithgareddau ar gyfer y flwyddyn rhown bwyslais ar gynorthwyo pawb i fyw eu ffydd o ddydd i ddydd fel rhan o deulu'r Eglwys. Gwnawn hynny trwy:

Addoli a gweddi; astudio'r Gair a datblygu ein dealltwriaeth o'r ffydd Gristnogol.  
Darparu gofal bugeiliol.  
Cynorthwyo plant a phobl ifanc i dyfu yn y ffydd.  
Hybu gwaith cenhadol.

I hyrwyddo'r gwaith hwn mae'n bwysig i ni gynnal yr adeilad a datblygu ein dulliau cyfrifiadurol, gan fanteisio ar y cyngor a'r cymorth a dderbynnir gan Undeb yr Annibynwyr Cymraeg ac Undeb Bedyddwyr Cymru.

Wrth gynllunio a datblygu rhaglen waith yr Eglwys, rydym yn ceisio dilyn anogaethau ein ffydd a gwrando ar leisiau'n haelodau ac ymateb i bobl anghenus yn ein cymdeithas a'n byd gan wneud hynny yn ymwybodol o ganllawiau arweiniad y Comisiwn i wneud gyda budd i'r cyhoedd.

## **❖ Cyflawniadau a Pherfformiad**

### **Cyflawniad yn 2021**

Yn sgil Covid-19 bu 2021 yn flwyddyn heriol oherwydd yr angen i gadw cydbwysedd rhwng parhau gyda'r hyn roeddem yn ei ddarparu a gwneud ein gorau i sicrhau diogelwch ein haelodau drwy ddilyn canllawiau Cytûn a Llywodraeth Cymru, canllawiau oedd yn newid yn gyson i gyfarfod â'r newid yn yr amgylchiadau. Gan mai dewis gwirfoddol pob unigolyn ydy

mynychu addoliad, roeddem yn darparu ar gyfer ystod eang o bobl oedd yn fwy neu yn llai parod i ddod i weithgareddau wyneb yn wyneb. Roedd angen bod yn fentrus, yn hyblyg ac yn ddoeth i ymateb i gyfnod ddigynsail fel hon.

## **Addoliad a Gweddï**

Yn ystod y flwyddyn, roedd modd i ni ddarparu oedfaon bob bore Sul ar nifer o themâu yn perthyn i'r ffydd Gristnogol. Roedd y gwasanaethau'n cynnwys y cyfle i addoli, i ddysgu mwy am ein ffydd ac i weddïo am faterion personol, lleol a rhyngwladol. Manteisiwyd ar gyfle yn fisol i groesawu gweinidog gwadd i arwain ein gwasanaethau a'r gweddïll yn cael eu harwain gan y gweinidog a nifer o blant, pobl ifanc ac oedolion.

Yn ystod y flwyddyn, dewisodd nifer o bobl ddod i'r capel i addoli dan drefn y canllawiau oedd mewn grym yn y cyfnod i atal lledaeniad Covid-19 ond roedd eraill, oherwydd rhesymau ieched neu amgylchiadau Covid, yn dewis ymuno ar Zoom naill ai drwy'r cyfrifiadur neu ar ffôn y tŷ. Dosbarthwyd deunydd myfyrio wythnosol i 80 o gartrefi drwy'r we a dosbarthwyd yr un deunydd i dros 20 o gartrefi nad ydynt yn defnyddio'r we. Ar ddechrau 2021 roedd 159 o aelodau ar lyfrau'r eglwys ond mae dylanwad yr eglwys yn ehangach na hynny, a'i drysau'n agored, gan gynnwys dros y we, i gyrraedd cynulleidfia estynedig.

Llwyddwyd i ddal ati gydag Ysgol Sul y plant a'r bobl ifanc, gyda chefnogaeth rhieni a theuluoedd yn ogystal â gwirfoddolwyr o blith yr aelodau. Yn ystod 2021 cafwyd amrywiaeth o gyfarfodydd yn cynnwys Ysgol Sul Zoom, cyfarfod mewn gazebo y tu allan i'r Capel i ddysgu mwy am ein cyfrifoldeb am y blaned, a gwasanaeth awyr agored ym Mharc Hamdden Gelli Gyffwrdd gyda phicnic yn dilyn a chyfle wedyn i fwynhau gweithgareddau awyr agored.

Mae dosbarth Ysgol Sul yr oedolion yn fforwm wythnosol werthfawr i astudio'r Beibl a dyfnhau dealltwriaeth o'n ffydd. Hawdd iawn oedd trosglwyddo'r cyfarfodydd yma i gyfarfodydd ar Zoom am gyfnod pan oedd angen gan sicrhau y gallem ddal ati. Roedd modd i ni dderbyn arweiniad gwahanol aelodau o'r dosbarth oedd yn ychwanegu at gyfoeth y sesiwn.

## **Cyfathrebu a Gofal Bugeiliol**

Yn ogystal â derbyn deunydd addoli wythnosol, roedd aelodau a chyfeillion yr eglwys yn derbyn llythyrau yn ystod y flwyddyn ar ebost neu trwy'r drws yn cynnwys newyddion am gydaelodau, hysbysiadau am ddigwyddiadau ac unrhyw ddiweddariad am ganllawiau addoli yn y Capel.

Yn ogystal, dosbarthwyd cylchgrawn misol – Y Negesydd – yn ddigidol ac yn gopiâu caled i'r sawl oedd yn dymuno hynny drwy'r flwyddyn. Roedd hyn yn gyfle i'r aelodau ddefnyddio eu doniau creadigol i gyfrannu erthyglau a lluniau i'r cylchgrawn ac yn ychwanegu at ein nod o gyfathrebu'n dda i gadw pawb gyda'i gilydd.

Mae cyfathrebu'n effeithiol gyda'n haelodau a'n cyfeillion yn greiddiol i waith yr eglwys, boed trwy ymweliadau neu trwy godi ffôn neu trwy rannu deunydd darllen, y cyfan dan arweiniad gweinidog yr eglwys gyda chymorth rhwydwaith o gynorthwyr.

Mae'r gweinidog a nifer o'r aelodau yn cadw cysylltiad hefyd gyda chleifion yn yr ysbyty, yn eu cartrefi ac mewn cartrefi gofal er na fu modd gwneud llawer o ymweld wyneb yn wyneb oherwydd y perygl o ledi Covid 19 ymhlith y rhai mwyaf bregus eu hiechyd. O dro i dro, yn dilyn profedigaeth, cynhaliwyd gwasanaethau angladd ac ymweliadau bugeiliol gyda theuluoedd mewn galar a hyn yn rhan o ofal bugeiliol naturiol yr eglwys i'r galarus.

Ers dechrau'r pandemig, mae cynnig cyfleoedd i gymdeithasu wedi bod yn anodd oherwydd yr angen am hunan-ynysu. Yn ystod 2021, cynhaliwyd cyfarfodydd 'paned a sgwrs' misol dros Zoom fel dilyniant i'r cyfarfodydd yn festri'r eglwys, yn gyfle i aelodau a chyfeillion gynnal ei gilydd yn ogystal â thrafod materion y dydd.

## **Gwaith cenhadol a chymdeithasol**

Mewn blwyddyn arferol, mae grŵp o'r aelodau yn cynnal cyfarfodydd misol yn yr adeilad i hybu pryniant nwyddau Masnach Deg ac i gefnogi gwaith Traidcraft. Llwyddwyd i gynnal y ddarpariaeth hon yn 2021 drwy gydol y cyfnodau clo wrth addasu'r ffordd o dderbyn archebion a chludo'r nwyddau i gartefi unigol. Dim ond o fis Medi ymlaen roedd modd dechrau gwerthu nwyddau Masnach Deg yn yr adeilad unwaith eto gan ddilyn y canllawiau priodol. Llwyddodd yr Eglwys unwaith eto eleni i gyfrannu at weithgareddau Cytûn Bangor yn cynnwys cydaddoli a chefnogi elusennau lleol. Llwyddwyd i ddal ati i gefnogi'r Banc Bwyd Bangor a hynny mewn cyfnod pan mae mwy o angen nag erioed am y ddarpariaeth yma oherwydd y dirwasgiad yn dilyn y cyfnod clo a dal ati i gyfrannu i roi cymorth dyngarol yn rhyngwladol.

## **❖ Adolygiad Ariannol**

Ein hincwm net am y flwyddyn (ar ôl didynnu symiau a godwyd ar ran elusennau allanol) oedd £50,404. Mae hyn yn dangos cynnydd dros y cyfnod blaenorol ond dylid nodi bod ein cyfrifon cyntaf fel elusen gofrestredig yn cwmpasu 10 mis yn unig. Fodd bynnag, yn hanesyddol patrwm arferol misoedd cyntaf ein blwyddyn arferol yw cynhyrchu incwm sy'n is na'r swm a gynhyrchir yn y misoedd olaf, yn arbennig ym mis Rhagfyr.

Roedd cyfyngiadau COVID yn parhau dros y rhan fwyaf o'r flwyddyn, felly nid oedd y festri ar gael i gynhyrchu incwm trwy ei logi i fudiadau allanol (ar wahân i swm bach o £25). Cyn COVID-19, roeddwn yn derbyn oddeutu £1700 y flwyddyn o'r ffynhonnell incwm hon. Er nad yw cyfyngiadau COVID yn eu lle erbyn hyn mae'r firws yn gwrthod mynd i ffwrdd ac felly, am resymau lechyd a Diogelwch, rydym yn cymryd agwedd ofalus wrth ailgychwyn y ffynhonnell incwm hon.

Unwaith eto, rydym yn ddiolchgar iawn i Gymanfa Undeb Bedyddwyr Cymru Arfon a Chyfundeb Annibynwyr Gogledd Arfon am grantiau gwerth £12,180 a dderbyniwyd ganddynt tuag at gost cyflogi ein gweinidog. Gwariwyd 81% o'n hincwm net am y flwyddyn

ar y weinidogaeth, yn cynnwys dros £2000 a dalwyd fel ffioedd aelodaeth i'r ddau Undeb cenedlaethol.

Cyfanswm yr offrymau gan ein haelodau am y flwyddyn (ac eithrio unrhyw ychwanegiad a wnaethpwyd ar gyfer Rhodd Cymorth) oedd £30485, wedi'i ddadansoddi fel a ganlyn:

Nifer o aelodau yn cyfrannu:		Cyfanswm:
£750 neu fwy	5	£4319
Rhwng £500 a £749	17	£9978
Rhwng £250 a £499	24	£7630
Rhwng £100 a £249	47	£7439
Rhwng £25 a £99	22	£1119
Dim	44	£0
<b>Cyfanswm</b>	<b>159</b>	<b>£30485</b>

Daeth incwm o fuddsoddiadau i ben wrth i ni drosglwyddo cyfrifon banc Emaus o HSBC i NatWest yn ystod y flwyddyn. Nid oedd gan ymddiriedolwyr hen Eglwysi Penuel a Phendref wedyn fodd i drosglwyddo unrhyw incwm a gynhyrchwyd o'u cronfeydd eu hunain i Emaus. Felly roedd unrhyw incwm a godwyd wedi hynny yn cael ei ailfuddsoddi ganddynt yn eu cronfeydd eu hunain.

Gwelwyd gostyngiad pellach o £5788 yn ein cronfeydd wrth gefn dros y flwyddyn (gan adlewyrchu'r golled a wnaethom) ac maent bellach yn gyfanswm o £37270 (i gyd yn gronfeydd anghyfyngedig). Bydd ein polisi cronfeydd wrth gefn presennol yn parhau dros y tymor byr o leiaf, a byddwn yn defnyddio'r cronfeydd hyn fel byffer yn erbyn unrhyw golledion pellach neu wariant eithriadol yn y dyfodol.

Mae datblygiad diweddar a phwysig sy'n werth ei gofnodi yn yr adroddiad hwn, gan y bydd yn cael effaith sylweddol a chadarnhaol ar ein gallu i symud ymlaen i gyflawni undod cyflawn, ac i roi sicrwydd ariannol i ni ar gyfer y dyfodol. Mae ymddiriedolwyr Pendref a Phenuel wedi cytuno yn ffurfiol i drosglwyddo eu cronfeydd anghyfyngedig a chyfyngedig, sef cyfanswm o dros £500K, i Ymddiriedolaeth Emaus. Mae'r Comisiwn Elusennau wedi cymeradwyo'r trosglwyddiadau ac mae'n fodlon nad oes unrhyw wrthdaro buddiannau yn codi. Unwaith y bydd y trosglwyddiadau wedi'u cyflawni, byddwn yn ceisio newid y buddsoddiadau hyn o gronfeydd cronni i gronfeydd cynhyrchu incwm i hybu ein hincwm. Bryd hynny byddwn yn adolygu ein polisi cronfeydd wrth gefn i adlewyrchu'r cynnydd sylweddol yn yr arian sydd ar gael i Emaus.

I gloi, mae'r ymddiriedolwyr yn hyderus wrth nodi nad oes gennym unrhyw ansicrwydd o gwbl y bydd Eglwys Gydenwadol Emaus Bangor SCE yn parhau fel mudiad Cristnogol gweithredol yn y dyfodol.

## ❖ Strwythur, Llywodraeth a Rheolaeth

Mae dogfen lywodraethol yr Eglwys yn Gyfansoddiad Sefydliad Corfforedig Elusennol gydag aelodau â phleidlais heblaw ei ymddiriedolwyr. Ysgrifennwyd y ddogfen hon yn dilyn canllawiau swyddogol y Comisiwn Elusennau.

Dewisir ymddiriedolwyr yn unol ag Adran 13 o'r Cyfansoddiad. Penododd yr ymddiriedolwyr Ysgrifennydd Aelodaeth yr Eglwys yn ymddiriedolwr ym mis Chwefror 2021 gan ddefnyddio ein pwerau o dan Adran 13 Chymal [5] o'n Cyfansoddiad.

Cynhaliwyd Cyfarfod Cyffredinol Blyneddol cyntaf yr SCE yn Eglwys Emaus ar 12 Rhagfyr 2021, a oedd wedi'i ohirio tan hynny oherwydd cyfyngiadau COVID. Mynychodd 44 aelod y cyfarfod naill ai yn adeilad Emaus neu dros ZOOM. Cymeradwyodd y rhai a oedd yn bresennol adroddiad blyneddol cyntaf yr SCE am y cyfnod hyd at 31 Rhagfyr 2020. Yn unol â thelerau ein Cyfansoddiad, ymddeolodd y pedwar ymddiriedolwr presennol yn ffurfiol yn y cyfarfod a chynnig eu hunain i'w haillethol am gyfnod pellach. Yn dilyn trafodaeth gan yr aelodau, cytunwyd yn unfrydol i'w hail-ethol am flwyddyn arall.

Rydym wedi cychwyn y broses o benodi ymddiriedolwyr ychwanegol i'r Bwrdd gyda'r dasg benodol o ffurfio ac arwain gweithgor o fewn yr aelodaeth i lunio Polisi Risg manwl i'r Eglwys. Ymgwymerwyd â'r dasg hon drwy ymgyrch recriwtio o blith yr aelodau i chwilio am bobl â'r sgiliau a'r ymrwymiad angenrheidiol i wneud a chwblhau'r gwaith pwysig hwn.

Mae ymddiriedolwyr presennol yr SCE hefyd i gyd yn aelodau o fwrdd diaconiaid a swyddogion yr Eglwys. Maent hefyd yn gweithio'n agos gyda'r ddau gorff o ymddiriedolwyr sydd, ar hyn o bryd, yn gyfrifol am gronfeydd cyfyngedig yr Eglwys (ymddiriedolwyr cyn-Eglwys Pendref a chyn-Eglwys Penueil). Felly, ar hyn o bryd, mae gennym bedwar corff gwahanol sy'n rheoli cenhadaeth neu weledigaeth yr Eglwys ar gyfer y dyfodol. Er bod y model hwn wedi ein gwasanaethu'n dda yn ystod y cyfnod o undod efallai nad dyma'r model delfrydol i'w ddilyn yn y dyfodol. Rhagwelir y gallai'r grŵp polisi risg ddymuno ei adolygu fel rhan o'i brosiect.

## ❖ Manylion cyfeirnod i a gweinyddol

Enw'r Elusen	Eglwys Gydenwadol Emaus Bangor SCE
Rhif elusen gofrestredig:	1188238
Prif gyfeiriad yr Elusen	Eglwys Gydenwadol Emaus Lôn Cariadon Bangor Gwynedd LL57 2TE
Cyfeiriad gohebiaeth yr Elusen	11 Gorseddfa Criccieth Gwynedd LL52 0DW

Enw'r ymddiriedolwr	Swydd	Dyddiadau'n gweithredu (os nad am flwyddyn gyfan)	Enw'r person (neu'r corff) sydd â hawl i benodi ymddiriedolwr (os oes un)
Gareth Ffowc Roberts	Ysgrifennydd	-	-
Gwyn Eurig Davies	Cyfreithiwr	-	-
Dilwen Lloyd Jones	Ysgrifennydd yr Aelodaeth	19 Chwefror 2021	-
David Llewelyn Jones	Trysorydd	-	-

**Ymddiriedolwyr corfforaethol – Dim**

**Enw'r ymddiriedolwyr sy'n dal teitl eiddo sy'n eiddo i'r elusen - Dim**

**Cronfeydd a ddelir fel ymddiriedolwyr ceidwad ar ran eraill - Dim**

**Eithriadau rhag datgelu - Dim**

## ❖ Datganiadau


Mae'r ymddiriedolwyr yn datgan eu bod wedi cymeradwyo adroddiad yr ymddiriedolwyr uchod. Llofnodwyd ar ran ymddiriedolwyr yr elusen:

**Llofnod**

**Enw llawn**

**Swydd**

**Dyddiad**


David Llewelyn Jones
Ymddiriedolwr a thrysorydd
26 Medi 2022

# Adroddiad archwiliwr annibynnol ar y cyfrifon

Adran A

Adroddiad yr archwiliwr annibynnol

Adrodd i ymddiriedolwyr

Enw'r Elusen

Eglwys Gydenwadol Emaus Bangor SCE

Cyfrifon ar gyfer y  
flwyddyn yn diweddu

31ain Rhagfyr 2021

Rhif  
Elusen

1188238

Rwy'n adrodd i'r ymddiriedolwyr ar fy archwiliad o gyfrifon yr elusen uchod am y flwyddyn a ddaeth i ben 31 / 12 / 2021.

Cyfrifoldebau a sail yr  
adroddiad

Fel ymddiriedolwyr elusennau'r Ymddiriedolaeth, chi sy'n gyfrifol am baratoi'r cyfrifon yn unol â gofynion Deddf Elusennau 2011 ("y Ddeddf").

Datganiad arholwr  
annibynnol

Adroddaf mewn perthynas â'm harchwiliad o gyfrifon yr Ymddiriedolaeth a gynhaliwyd o dan adran 145 o Ddeddf 2011 ac wrth gynnal fy archwiliad, rwyf wedi dilyn y Cyfarwyddiadau perthnasol a roddwyd gan y Comisiwn Elusennau o dan adran 145(5)(b) o'r Ddeddf.

Rwyf wedi cwblhau fy arholiad. Rwy'n cadarnhau nad oes unrhyw faterion perthnasol wedi dod i'm sylw mewn cysylltiad â'r arholiad annibynnol sy'n rhoi achos i mi gredu mewn unrhyw ystyriaeth faterol:

- ni chedwir cofnodion cyfrifyddu yn unol ag adran 130 o'r Ddeddf neu
- nid yw'r cyfrifon yn cyd-fynd â'r cofnodion cyfrifyddu

Nid oes gennyf unrhyw bryderon ac nid wyf wedi dod ar draws unrhyw faterion eraill mewn cysylltiad â'r archwiliad y dylid tynnu sylw ato er mwyn gallu cael dealltwriaeth gywir o'r cyfrifon.

Arwyddwyd:

SMW

Dyddiad:

26/09/2022

Enw:

Sian M. Williams

Cymhwyster(au)  
neu gorff proffesiynol  
perthnasol (os oes rhai):

ICAEW

Cyfeiriad:

36, Stryd Fawr

Pwllhei

Gwynedd LL53 5RT

## Datganiadau Ariannol am y flwyddyn i 31 Rhagfyr 2021

## Cyfrif Incwm a Gwariant

	Cronfeydd anghyfyngedig	Cronfeydd cyfyngedig	Cronfeydd gwaddol	Cyfanswm	Y Llynedd
<b>Incwm</b>					
Offrymau	£ 30,485	-	-	£ 30,485	£ 24,805
Casgliad rhydd	£ 7	-	-	£ 7	£ 211
Llogi'r Adeilad	£ 25	-	-	£ 25	£ 883
Rhoddion arbennig	£ 1,790	-	-	£ 1,790	£ 823
Cyfundeb Arfon (Grant)	£ 5,500	-	-	£ 5,500	£ 6,100
Cymanfa Arfon (Grant)	£ 6,630	-	-	£ 6,630	£ 6,500
Rhodd Cymorth	£ 5,473	-	-	£ 5,473	£ 5,690
Llog	£ 494	-	-	£ 494	£ 696
Apeliadau - <b>nodyn (b)</b>	£ 5,486	-	-	£ 5,486	£ 3,795
<b>Is-gyfanswm</b>	<b>£ 55,890</b>	<b>-</b>	<b>-</b>	<b>£ 55,890</b>	<b>£ 49,502</b>
<b>Cyfanswm yr Incwm</b>	<b>£ 55,890</b>	<b>£ -</b>	<b>£ -</b>	<b>£ 55,890</b>	<b>£ 49,502</b>
<b>Gwariant</b>					
Costau'r weinidogaeth - <b>nodyn (a)</b>	£ 40,991	-	-	£ 40,991	£ 35,594
Glanhau	£ 1,328	-	-	£ 1,328	£ 990
Cynnal ac atgyweirio	£ 1,104	-	-	£ 1,104	£ 873
Gwres a Goleu	£ 1,477	-	-	£ 1,477	£ 1,628
Yswiriant	£ 2,557	-	-	£ 2,557	£ 2,344
Gwaith eithriadol	£ 540	-	-	£ 540	£ 8,441
Garddio a chynnal tir	£ 2,255	-	-	£ 2,255	£ 1,170
Mudiad y Chworiorydd	£ 20	-	-	£ 20	£ 20
Teleffon/gwasanaeth rhyngwrdd/Zoom	£ 1,732	-	-	£ 1,732	£ 1,266
Gwariant swyddfa a'r gegin	£ 325	-	-	£ 325	£ 126
Organ	£ -	-	-	£ -	£ 489
Achub y Plant	£ 1,220	-	-	£ 1,220	£ -
Trethi Dwr	£ 158	-	-	£ 158	£ 235
Llungopiwr	£ 1,405	-	-	£ 1,405	£ 1,236
Amrywiol	£ 353	-	-	£ 353	£ 446
Apêl Timothy Richards	£ 800	-	-	£ 800	£ -
Cymorth Crisnogol	£ -	-	-	£ -	£ 1,552
Banc Bwyd	£ 1,875	-	-	£ 1,875	£ 2,545
Ffi'r Archwiliwr	£ 2,400	-	-	£ 2,400	£ -
BMS	£ 942	-	-	£ 942	£ 764
<b>Is-gyfanswm</b>	<b>£ 61,482</b>	<b>-</b>	<b>-</b>	<b>£ 61,482</b>	<b>£ 59,718</b>
<b>Prynu Asedau</b>					
Gasebo	£ 196	-	-	£ 196	£ 1,371
	£ -	-	-	£ -	£ 2,200
<b>Is-gyfanswm</b>	<b>£ 196</b>	<b>-</b>	<b>-</b>	<b>£ 196</b>	<b>£ 3,571</b>
<b>Cyfanswm y Gwariant</b>	<b>£ 61,678</b>	<b>-</b>	<b>-</b>	<b>£ 61,678</b>	<b>£ 63,289</b>
<b>Net o dderbyniadau/(taliadau)</b>	<b>-£ 5,788</b>	<b>0</b>	<b>0</b>	<b>-£ 5,788</b>	<b>-£ 13,787</b>
<b>Trosglwyddiadau rhwng cronfeydd</b>	<b>-</b>	<b>-</b>	<b>-</b>	<b>-</b>	<b>-</b>
<b>Cronfeydd ariannol 01/01/2021</b>	<b>£ 43,059</b>	<b>-</b>	<b>-</b>	<b>£ 43,059</b>	<b>£ 56,846</b>
<b>Arian ar law ar ddiwedd y flwyddyn</b>	<b>£ 37,270</b>	<b>-</b>	<b>-</b>	<b>£ 37,270</b>	<b>£ 43,059</b>

<b>Nodyn (a)</b>	
Costau'r Weinidogaeth	£ 26,582
Cynllun Pensiwn y Weinidogaeth	£ 2,638
Yswiriant Gwladol a Threth Incwm	£ 7,310
Cytun Bangor	£ 100
Llogi Swyddfa	£ 622
Yr Ysgol Sul	£ 786
Pregethwyr	£ 715
Undeb Bedyddwyr Cymru	£ 1,545
Undeb yr Annibynwyr Cymraeg	£ 694
<b>£ 40,991</b>	

<b>Nodyn (b)</b>	
Tysteb Menna Jones	£ 75
Banc Bwyd	£ 2,215
Ffoaduriaid	£ 675
BMS	£ 1,165
Achub y Plant	£ 1,201
Yr Ysgol Sul	£ 155
<b>£ 5,486</b>	



## Datganiad o Asedau a Dyledion ar 31 Rhagfyr 2021

Categorïau	Manylion	Cronfeydd anghyfyngedig	Cronfeydd cyfyngedig
Cronfeydd Arian Parod	Cyfrif Banc - Rhodd Cymanfa Arfon (Gwerthiant Bethel)	£ 32,180	£ -
	Cyfrifon Banc (eraill)	£ 5,090	£ -
	<b>Cyfanswm cronfeydd arian parod</b>	<b>£ 37,270</b>	<b>£ -</b>

Asedau Ariannol Eraill	Manylion	Cronfeydd anghyfyngedig	Cronfeydd cyfyngedig
	Allens Organs blaendal 2022	£ 489	-
	Rhodd Cymorth	£ 5,651	-


Asedau a gedwir at ddefnydd yr elusen yn unig	Manylion	Cost	Gwerth presennol
	Gliniadur (prynwyd yn 2020)	Cronfa anghyfyngedig £ 1,371	£ 1,000
	Gasebo	Cronfa anghyfyngedig £ 196	£ 100

Dyledion	Manylion	Cost
	Treth Incwm ac Yswiriant Gwladol	Cronfa anghyfyngedig £ 1,900
	BMS	Cronfa anghyfyngedig £ 223
	Ffoaduriaid	Cronfa anghyfyngedig £ 675
	Banc Bwyd	Cronfa anghyfyngedig £ 1,000
	Ecclesiastical Insurance	Cronfa anghyfyngedig £ 1,573

Arwyddyd ar ran yr ymddiriedolwyr

Cadeirydd a Thrysorydd

Llofnod



Enw

David Llewelyn Jones

Dyddiad

26 Medi 2022